

# Heargevuodjin Simmáidvákkis





Heargi mu heargi, stuorát ja lodji.....

Mánát ráhkkaneame heargevuodjimii.  
Mii stoahkat hearggástallama.



Guorbmereaga garrama ovdal tuvrii vuolgit. Mánát ohppe masa ovdal atne herggiid. Dalle lei heargi vuosttažettiin fievru. Jođidettiin geavahedje herggiid go gálvvu geasehedje. Dál adno heargi eanaš faláštallamii ja turisttaide.



Mánát geahččame heargeárddi. Makkár hámit son herggiin leat? Go vállje ealus bohcco maid áigu dápmat, de gehččet dávjá bohcco hámi. Muhtumat válljejit čábbodaga mielde, omd. finna guolga ja čoarvi. Heargeávdnasis ferte maid vuojána hápmi, juolgái, čoaleheapmi jna.



Mii lea heargi?

Heargi lea varis boazu mii lea dábmojuvvon. Ovdal dápme muhtimin stáinnaha maid, njiñnelas boazu mii ii goassege guotte miesi. Stáinnat lea sávrrit go varis boazu. Go dápma hearggi de veaddá dan miesttagis oanehaš, dađistaga álgá láidehallat. Álggos geassá dušše guorbmereaga, go lodju vel eambo de sáhtá ieš vuodjit.

Dát hearggit lea bures dábmojuvvon ja lodjon. Gabba heargi bohtá gitta mánáid lusa. Áiggošii jeahkáliid borrat.





Ole lea gárddis geahčadeame guđe herggiid son atná vuodjimii. Son vällje daid lojimusaid, go mánát galget vuodjit.



Son njoarosta, heargi lea gitta. Mánát besset vel biebmat herggiid ovdal leŋgegoahtá.



De ii leat go leŋget. Álggos bidjá čielgebátti ja raddebátti gitta, ovdal čavge čovjevuollebáttiin. Lávžžiin doallá vuodji.

Leaŋgat leat ruopmaliiguin gitta áissáide.



Mánát leat juo čohkkedan rišlát-reagaide. Ole ráhkada heargeráiddu, ieš čohkká giehtahearggi reagas, mánát gieđalathearggis, čoanohas ruohtta bálddas.

Mánát ohppet ahte ferte gurutbealde hearggi mannat rehki. Heargi lea hui árgi jus olgešbealde manná. Heargi lea hárvánan ahte olmmoš bargá gurutbealde.

Go ráidui áigu de ferte mannat ovddabealde giehtahearggi, jus ráiddu čađa manná de sáhtta ráidu suorganit ja ruohtestit, dalle lea bahá šaddat reaga vuollái.

